

Parlament mora pokazati da nije talac uvriježenih interesa

Prvi zamjenik Visokoga predstavnika Lawrence Butler danas se u Sarajevu sastao s ministrom civilnih poslova BiH Safetom Halilovićem (SBiH). Oni su, uoči sutrašnjeg zasjedanja Zastupničkoga doma Parlamenta BiH, razgovarali o Zakonu o lijekovima i medicinskim sredstvima. U svojstvu ministra civilnih poslova, ministar Halilović je formalni predlagač ovoga Zakona.

“Iako su prednosti ovoga Zakona za domaće proizvođače i potrošače jasne, Parlament se i dalje zbunjeno opire njegovome usvajanju”, rekao je prvi zamjenik Butler. “Ako ovaj Zakon ne bude usvojen, bojim se da bi to investitorima bila samo potvrda mišljenja danoga u nedavno objavljenom izvještaju Svjetske banke u kome se navodi da je reforma u BiH posebno podložna lobiranju moćnih interesnih skupina koje nastoje zaštititi svoje tržište. Ovi lobiji očigledno stavljaju vlastiti finansijski interes iznad dobrobiti – a u ovome posebnom slučaju i zdravlja – građana BiH”, naveo je prvi zamjenik Visokog predstavnika.

U nedavno objavljenome izvještaju Svjetske banke o korupciji u dvadeset devet zemalja u tranziciji, Bosna i Hercegovina se nalazi na prvom mjestu na njihovom “indeksu zarobljenih država”, koji se odnosi na neprimjeren utjecaj u zakonodavnome procesu. U izvještaju se navodi kako privilegirani, upućeni pojedinci utječu na proces odlučivanja u Parlamentu, čime podrivaju donošenje reformskih zakona, usprkos njihovim evidentnim koristima.

“Ovo je štetno za BiH, i može imati negativan učinak na potencijalne strane ulagače”, rekao je prvi zamjenik Butler

. “Najbolji način da Parlament BiH odgovori na to jeste da usvajanjem zakona koji su u skladu sa standardima EU pokaže da Parlament BiH nije talac uvriježenih interesa nego da nastoji uskladiti poslovnu aktivnost i interese svojih građana”.

Na vjerojatno posljednjoj sjednici Zastupničkog doma Parlamenta BiH u ovome sazivu, članovi Parlamenta će sutra razmatrati Zakon o lijekovima i medicinskim sredstvima. Ovim Zakonom se nastoji postići da lijekovi budu sigurniji i jeftiniji. On bi trebao jamčiti dostupnost visokokvalitetnih lijekova uspostavljanjem jedinstvenih uvjeta za proizvodnju, testiranje i promet lijekova i mjera za osiguranje kvalitete, sigurnosti i učinkovitosti. Zakon će i samoj državi donijeti koristi uspostavljanjem jedinstvenog tržišta lijekova, nadzora nad njim, uspostavljanjem državnog regulatora te sprječavanjem nelojalne konkurencije.